

天
游
閣
集

天游閣集

詩一

太清西林春著

鈍宦曰少時聞外祖周季況先生

星胎

言太清遺事綦詳其後以計

偕入都與臨桂王幼遐侍御

鵬運

論詞至滿洲人有男中成容若女

中太清春之語幼遐藏詞至多獨以未見漁樵二歌爲憾謂朱希真

樵歌及太清東海漁歌也太清爲貝勒

奕繪

側室貝勒自號曰太素

道人前年余從後齋將軍

溥侗

假得太素所著明善堂集嘗刺取太

清遺事賦六絕句嘉興沈子封提學

會桐

亟嗟異之今年春黃陂陳

士可叅事

教

得此冊於廠肆凡詩五卷闕第四卷詞四卷闕第二卷

中多割裂蓋當時未經寫定之本略爲排比間加考證以詒好事太

清姓顧或曰吳人或曰顧八代之裔宣統己酉七月

游仙四首

層臺起虛館桂柱蘭爲堂微風從東來吹動羅衣裳翻階木芍藥薜荔當
門牆揮杯發清興絃歌誦詩章繁星映戶牖明月照兩廂爲樂及良時光
景孰云長

縹緲十二樓上有仙人居左據青玉案右擁鴻寶書瓊瑤製危冠芙蓉曳
輕裾歡笑粲玉齒從容下丹除俯察碧流水清波戲朱魚仰觀青天雲舒
卷任太虛

巫山高巍巍江水碧深杳中有陽臺人清容舒窈窕翠袖倚朱闌顏色常
美好我欲往從之不見三青鳥

層巖下斜日雲霧生重陰昏煙迷修渚飛鳥投荒林清宵伫涼月開窗弄
鳴琴悠悠世中事泠泠絃上音

采菱歌

采菱復采菱采菱莫傷手采蓮復采蓮采蓮莫傷藕蓮心苦難除菱刺利
當剖珍重采菱人涼風動湖口

讀光武本紀

十三輕騎霸乾坤城上披圖更幾人一笑中原揮顧定井蛙安識帝王真
丙戌清明雪後侍太夫人夫人游西山諸寺

三月山花尙未發一春忽忽過清明雲移列岫山無數雪滿叢林樹有聲
怪石自成蹲虎勢老松誰與臥龍名晚晴碧澗添新水歸路迴看暮靄平

鈍宣曰太清是年二十八歲太夫人爲榮恪郡王縣億妃夫人名妙華

太素與太清齊年妙華夫人長太清一歲

戊子八月雨中游城西天禧昌運宮廢趾

煙葉青青豆葉黃雨中惹麥白凝霜野水蘋花自采采虛亭老樹更蒼蒼
隔口依稀露碧瓦過橋斷續堆紅牆諸天法象認不出荒草深埋眞武堂
鈍宣曰太清是年三十歲

己丑暮春雨後同霞仙七妹游萬壽寺作

春雨初晴後郊原望遠峯山高猶見雪風定不聞鐘竹裏禪房靜門前溪水
溶溶同來大歡喜日色滿蒼松

鈍宣曰太清是年三十一歲

題沈石田秋林曳杖

落日秋山遠長林一徑幽高人無所住來往若虛舟

題文衡山秋湖晚眺

秋水澄峯影丹楓照夕陽忘機二三子無語對滄浪

題李晞古秋步圖

亂石枯藤積水邊疎林葉淨晚秋天寒灘欲濟無舟楫如此風波不可前
山中即事

光陰真過客逆旅卽爲家處處樓簷鳥駸駸赴穴蛇陽坡明赤草古澗散
黃花向晚長林黑雲山暮雨遮

山樓五絕句

黃華峯對讀書樓一片青山動客愁游子莫生鄉國感是身天地一浮鷗
欸段相隨上小岑斜陽坐話古松陰垂髫婢子癡愁甚笑問雲山高幾尋
雄邊坐對如屏障村落遙看似畫圖隔水藍嶠人采葉近山朱果鳥將雛
官路斜侵水一灣白雲縷縷出層巒秋林幾處炊煙起下見孤城方丈間
落日看山暮靄中 五陵嘉樹碧叢叢居人指說邊城外木落羣過舐掌
熊

乙渠聯句

手開清淺引山泉

章子

一竇相通小似拳運石犒勞童僕喜

清太

環樓作勢岸

陂圓蒼龍倒映孤松靜

章子

碧水斜侵枕杜偏瘦硬樹根橫地過

清太

滑平橋

板待霜鮮澗莎新種宜垂雨

章子

寺塔遙看半沒煙三面雲窗峯楚楚

清太

雙

父鹿徑草芊芊流觴有酒歡今夕

章子

采荇臨風憶去年秋仲深林零栗甲

清太

樹陰細溜蔽牛肩觀瀾坐入那伽定

章子

鍊藥將爲自在仙兒女長竿爭

剝龍

清太

文章陳迹等飛鳶懷沙老閱人間世

章子

抱璞悠遊物外天至道無

爲歎河伯

清太

寓言得意忘魚筌

章子

九日登後山二首

紛蘭爲佩桂爲楹滄海桑田幾變更芳草微霜悲宋玉馬蹄秋水感莊生
詩如陶謝終爲累道貫聃周亦強名此日登高長太息凌風誰見遠遊情
蕭蕭萬壑樹聲威櫛比新籬照落暉谷口千家炊晚飯幽風九月授絳衣
從來山勢無驚患終古人心有是非南望金星

名峯

升暮靄寒鴉猶帶夕陽

飛

題宣和竹雞

漏盡明星澹晨光紫陌分將雛尋竹粟憐爾太殷勤能破千家睡無愁一
旅軍不如棲老圃終日伴耕耘

醃菜

秋登場圃淨白露已爲霜老韭鹽封甕香芹碧滿筐刈根仍滌垢壓石更
添漿築窖深防凍多窗一侑觴

題惲南田畫冊十絕句

玉剪翻翻逗柳梢烏衣輕捷掠春郊落花天氣初晴雨銜得新泥補舊巢

燕柳

柳半垂條草吐芽輕寒輕暖欲烘霞瑤池自有三千歲錯被人呼薄命花

折枝
桃花

渺渺芳汀春水寒
兩三追逐落花攢
畫師心共游魚樂
片紙能教止念觀

落花
游魚

二月驚雷符滿林
叢抽紫玉見天心
無端稚子從根嚼
劇斷參天百尺陰

碩鼠
新筍

開花如翠帶星張
半斂殘英尙曉涼
應遜瓠瓜眞薄命
似從銀漢恨相望

牽牛

百合花開白玉盤
縞衣宜向月中看
畫師老筆曾題句
瑤圃霓裳舞夜闌

百合

披離翠蓋無全葉
零落紅衣冷半池
秋雨秋風任憔悴
苦心結子有誰知

荷秋

相對忘機沙上鳬
蒹葭深處更相呼
逍遙不羨鵝鸕侶
紅蓼黃蘆僅足娛

雙鳬
出浴

蓬萊蹤跡舊相知
翠羽明璫憶昔時
憚老戲臨子固卷
陳王應有水仙詩

南田自書戴臨
趙子固水仙卷

羣玉山頭玉蕊飛
枯蘆壓雪鷺添肥
明窗共展高人畫
百四十年一歎歎

雪鷺

題邊頤公柳絲雙燕

碧水微波送晚潮
斜風細雨燕雙攏
萋萋芳草江南路
無限春情在柳條

東山草堂二首

春水滿池塘春光入草堂黃茅初蓋頂紫燕欲窺梁
青木見真趣圖書森古香濛濛新雨歇花萼婉清揚

淑氣催花萼春風入酒樽日長簾幕寂人靜鳥聲喧
拂座清松影侵階碧蘚痕山堂通畧約詞賦接文園

鸚鵡灣

鮎魚關外雨初收鸚鵡山邊春色幽怪石崢嶸灘水急
淙淙萬古漱寒流次夫子草堂暴雨韻

遠近峯頭一片雲河魚驟落馬收羣普天密密渾無極
萬木脩脩綠不分幽谷雨沈窗欲暝黃昏風急水生文
山堂入夜菰蒲響憶向西園聽此君
鳥

東山鳥最惡無計可張羅結隊欺豚柵爭棲奪鳥窠貪殘常不足凶忍種偏多亦有雲間鶴春風養太和

啄木

東山多啄木斑褐辨雌雄利嘴能穿樹微身善食蟲氣機開閉塞禁法惑愚蒙萬物各殊性巍巍覆載功

搗

一名獨豹
俗呼地搗

東山有獨豹羣集大河濱肥腴羊脂膩花斑璫璫勻嬌兒爭羽翮野客飯奇珍入饌空憐爾文章不蔽身

戲擬豔體四首

亞字闌干曲徑通美人家在綠楊中秋千小院閒金索芳草長隄老玉驄

流水飛花隨去住，斷虹殘日各西東。
武陵洞口雲深處，蹤跡難尋踏雪鴻。
十二珠簾控玉鉤，晴絲花片總纖柔。
朱闌寂寂雙飛燕，綠水沈沈數點鷗。
楊柳樓臺經過處，碧桃門巷記曾遊。
美人一去餘芳草，斷雨零雲古渡頭。
細草穠花各斷腸，美人去後有餘香。
巫峯挾雨原非夢，洛浦凌波太近狂。
日暮藤蘿空密密，天寒脩竹自蒼蒼。
迴還江水無窮碧，可許相隨一泛航。
采采芙蓉洛浦姿，碧闌晴雪落花時。
一溪春水浮山影，盡日靈風颺柳絲。
玉笛閒吹翻舊譜，紅牙低拍唱新詞。
娉婷合是神仙侶，小謫人間歸去遲。

回文四首

秋江一釣野情閒，赤葉楓林映碧灘。
游子客途鄉渺渺，寺樓山曲路漫漫。
幽窗夜火孤村遠，澗岸荒沙落月殘。
舟泊晚涼初過雁，愁生更盡望江寒。

紅衣舞盡落風輕月照寒塘池水停東閣小窗臨近岸北堂高宴對深庭
蓬蓬草徑閒鳴蚓灼灼花叢亂點螢空碧映天雲寂寂冷宵清露滴階
苔臺高接影雲山遠漠漠煙溪碧遶廊迴浪細翻平柳岸小舟輕蕩亂花
塘疊嶂瀉露清珠曉簾枕浮光素月涼苔徑覆簷新過雨晚蟬鳴處動荷香
霞晚照松青對座古柯喬木夏陰陰花開一樹仙桃小鶴舞長天碧靄深
遮嶺片雲飛渡澗過橋危徑曲通林蛙鳴亂草煙谿滿戶入涼風好奏琴

秋荷二首

影娥池上晚涼歸離合神光憶宓妃有限秋風翻翠扇無邊冷露墜紅衣
水堂畫檻收殘暑虛閣珠簾捲落暉欹枕那堪一夜雨荒蒲衰柳共依依
秋荷不定露珠旋憔悴紅衣絕可憐結子有心甘冷落牽絲無意自纒絲

風吹舞袖人千里霜倒平池水一天寂寞歌聲閒畫樂斜陽兩岸草芊芊

五雜俎六首

五雜俎機中絲往復還風中枝不得已客中思

五雜俎園裏花往復還樹頭鴉不得已井底蛙

五雜俎元宵燈往復還周天星不得已趁齋僧

五雜俎續命縷往復還宵行鼠不得已八風舞

五雜俎花間蝶往復還春秋節不得已從軍別

五雜俎歲朝盤往復還遠關干不得已行路難

集先恪王書玉皇心印經字四首

悟得玄中妙冥依日月精金丹能育聖玉骨合無生恍惚三身聚吸呼一

氣成上昇光照耀頃刻自神明

百體皆和溢靈風一氣皇青松出石竅白水印朝光有守神充徧非凋蒂
固強明心通萬理履聖混存亡

上藥存眞品持盈合不難深根迴妙竅易理入神丹氣若飛瓊散功能相
火殘無名非有是在柏不知寒

絲絲與天合知者永精靈七日飛眞竅三神踐有形默然而得紀恍若可
傾聽焚誦各自妙身輕入帝庭

鈍宦曰先恪王者榮恪郡王也王爲榮純親王之子榮純親王爲高

宗第五子愉貴妃所生又曰余詩所謂寫經親禮玉皇前也又曰

太素得泰山石刻一百十四字亦集爲詩有詞紀事云泰嶽殘碑新句

讀玉皇心印碎珍珠

浣溪紗

辛卯正月同夫子題鄒小山畫冊十首

澹月籠虛影微風度暗香分明疎雨後含淚倚迴廊

梨花

春雨幾番後春光欲暮時一枝春殿裏無事號將離

芍藥

蚪蔓羃晴空開花紫霧蒙垂垂附松柏幽谷自春風

紫藤

春風入短叢四時花自好秘訣異羣芳顏色長不老

長春

落落疎籬下明明秋水時寒香花寂淨澹墨葉離披

風菊

一池澄碧水滿樹紫薇花秘閣輕風動宮牆月影斜

紫薇

蟻蟻疑無力婷婷似有情閒階秋露下明月正三更

海棠

脩竹佳人宅空山白日暮翠袖何珊珊天寒怯風露

竹梢

誰翦錦成團明霞映畫闌十分花樣好繡作舞衣看

竹石

凍蕊含春意眞香破臘開絳珠凝秀色海上一枝來

梅

鈍宦曰太清是年三十三歲

題明慈聖李太后像

像貯慈壽寺香雲閣中

慈聖前明后觀瀾坐水旁一登歡喜地千古法雲香有子爲皇帝無權治
豎璫嗚呼九蓮像遺憾可能忘

五月二十二日夫子購得錢舜舉荷花一軸有諸家題句分和

脈脈春流入小池田田荷葉漸參差倚闌長袖人何處日午花開尙未知
水滿平池絮點苔待看菡萏向人開虛堂新買錢家畫此際江南正落梅
半池冷露盡欹東小製荷衣拾落紅破葉尙餘秋色裏晚香猶戀水心中

影娥愁聽三更雨越女空憐一夜風更有方壺舊題句花應開近上清宮

軸中有方方壺
道士題詩故云

題唐寅畫麻姑像

螺髻雙垂綰墮雲天衣無縫妙香熏從容素手舒長爪綽約酡顏帶薄醺
滄海迴看幾更變靈臺曠叔自耕耘玉壺常有金精在不許人間下士聞
蟬

一聲清響午晴初佳趣輸他野客居楊柳條條羃門戶菰蒲面面遶窗廬
特添朝課催詩卷更費香奩作鬢梳最憶東山舊遊處夕陽歸路聽徐徐
六月十五日東山苗道士寄來七寸許小猴一隻每當飼果必分食之似
有相愛意詩以紀之

東山苗道士遠寄一雙猴拊背憐同類牽繩喜並遊雄雌各有讓搏擊不相讐殊勝豺狼輩奸心蓄暗謀

鈍宦曰此亦長安俊物也

七月三日夫人期年遣五兒載釧往祭痛成一絕句

悠悠生死一年別忽忽人情幾度催
金頂山頭風雨夜殯宮哭奠一兒來
鈍宦曰妙華夫人以庚寅七月五日逝年三十三逝時以自書遺教經及玉馬爲殉見明善堂詩注自妙華夫人逝後又九年爲戊戌而太素逝余詩所謂九年占盡專房寵四十文君儻白頭也 又曰載釧生乙酉七月九日是年六歲

題畫四首

空山誰建法王壇喜捨慈悲四相寬日午靈風翻貝葉一聲清磬出林端

秋山
蘭若

麟閣眞容若是夫功人功狗跡全無高閒誰寓丹青筆不畫名臣畫酒徒

竹林七
賢圖

扇頭今見王孫畫天道盈虧本不齊南渡能無亡國恨幽禽應羨一枝栖

明宗室畫
梅花寒雀

雨中山勢看模糊亂點斜皴樹有無瓦甕酒香供野客竹爐茶熟喚奚奴

煙雨
茅屋

孟冬朔貝勒初 賜食 坤寧宮祭肉恭紀

報本思無極冬蒸正格神乾坤一元始天地萬家春穆穆大宗室桓桓諸

子臣懷糕布 恩澤親奉太夫人

鈍宦曰太素以上年十月授正白旂漢軍都統

壬辰閏九月十三夜作

白日莫閑過光陰浪不留讀書良有益觀化邈無休瓜實寒猶綴蛛絲涼
漸收人情與物理時向靜中求

鈍宦曰太清是年三十四歲

寒蝶

代夫子
和潘
芝軒
尚書
作

秋容看已盡蛺蝶尙徘徊似戀園林好那知草木摧依依寒歛影惻惻冷
侵苔庾嶺梅花發何如歸去來

題李思敬畫荷葉鵲

何處雙鸂鶒，隻飛棲敗荷。涼風入池沼，花果已無多。

至日

衰顏暗向鬢絲催，地漸南游暖漸來。春意待看河畔草，天心已復地中雷。
晴窗綵線盤金縷，碧海靈風破玉梅。忽忽浮生三十四，百年行樂幾傾杯。
癸巳春雪

春分猶雨雪，二月尙重裘。淺草埋銀海，新條結繡毬。冷侵芸閣幔，寒入玉
人樓。匝地陰雲重，漫天花雨浮。紛紛鋪石砌，翦翦上簾鉤。坐對尊中酒，瓊
瑤落未休。

鈍宦曰：太清是年三十五歲

二月十五清明前一日雨中作

天桃雙樹粉牆東，幾處高枝破小紅。
莫向年時憂稼穡，早從草木兆登豐。
柳煙難禁清明火，花氣先愁穀雨風。
看到成陰結子後，天心無物不全終。
次夫子清明日雙橋新寓原韻

蕭寺垂楊岸，明湖第幾灣。
去來今日事，二十五年間。
余二十五年，前侍碧瓦淒春殿，玉峯看遠山。僧窗對流水，欲往聽潺潺。

欲往城西寺，還須待杏花。
羸軀仍怯冷，好景不容賒。
柳眼蘸春水，渡頭明晚霞。
溪山生暝色，閃閃數歸鴉。

鈍宦曰：雙橋寺在暢春園宮門西，時從將軍廟移居此也。此爲海澱寓園其邸第則在宣武門內之太平街。太素詩有太平湖巷吾家住，車騎翩翩侍宴還之句。自注云：邸西爲太平湖，邸東爲太平街。余詩所謂

太平湖畔太平街南谷春深葬夜來人是傾城姓傾國丁香花發一低徊也

游雙橋小寺感懷

小寺舊遊處禪房易舊模惟餘老柏樹不改舊根株野水消風日方塘雜

稻蒲

前題

前國卽爲
暢春園

東在望雲裏閉金鋪

寶藏寺

寺有怡信親王
題清涼禪室

寶藏雲峯秀春山碧草齊清涼禪客室冰玉主人題花雨層臺上泉聲法座西登高渺城郭萬井曉煙低

題趙伯駒畫古木寒鴉二首

茅舍自成村蒹葭遶華門木凋鴉向背山迴月黃昏夜氣迷修渚寒煙生

古原淒涼無限意應念趙王孫

蘆荻暮江邊遙峯落日圓寒鴉三十對老樹幾千年作畫君王後題詩花柳前不知百世下詩畫又誰傳

送春

前一
日雨

昨夜初晴暖氣烘朝來爽氣到簾櫳一天雲雨春光盡三月鶯花此日終莫厭傷多人中酒最堪憐處絮隨風青青河畔王孫草閱徧流波今古同遊城南三官廟晚至白雲觀

駕言遊南郭十里菜花香水抱城隅曲塍分麥隴長桔槔提柳礮精舍就村莊晚過白雲觀仙音出道場

瓠瓢

手種瓠瓢垂滿架，蟲枝柔蔓互交侵。
風吹翠羽軒軒舉，人坐秋涼淡淡陰。
照夜輕花開白雪，濟川微物抵黃金。
可能識得壺中樂，造化根源著意尋。
綠陰如羃影扶疎，驟雨飄風此地無。
長柄幾經勞畫手，細腰不待減宮廚。
虛中箇箇能容物，觀化頭頭各趣途。
應世何妨隨世應，遶籬閒數碧瓠瓢。
十月十五夢中得二十字

何處紅橋水微風，吹白蘋人從橋上過。
鷗鷺自爲羣

題乘風破浪圖

征權溯寒流，朝霞宿霧收。
水連雲夢澤，風滿岳陽樓。
野浦驚鴻雁，高帆展素旂。
君山如畫裏，渺渺洞庭秋。

洛神

甲午正月

盼以流波佩以珷芙蓉高綰髻雲梳送君遠矣天涯杳有美人兮曠劫初
水影煙光迷所適微風落日渺愁予青青不盡蒹葭草翠羽明珠總是虛
鈍宦曰太清是年三十六歲是月五日子載同生以與太清同日故名
曰載同 又曰榮恪郡王三十六歲生太素太素三十六歲生載同又
適與太清同日故太素詩有云先考三十六生余頗憾遲我年三十六
同兒生亦奇生日同伊母生年同我期祝兒同父母名同字同之也

題畫

呦呦仙鹿哨雲中行過層雲第幾重老樹連陰飛絳蝠懸崖急溜臥蒼龍
長春人酌延年酒萬古天開玉女峯摘得蟠桃一迴首洗頭盆對碧芙蓉

柳枝詞

正月燒鐙煖氣融天涯何處不春風請看八九沿河柳盡在生機浩蕩中
二月東風第幾場狗兒纔吐小鵝黃輸他草色人先見苦蕒茵陳挑滿筐
三月清池結綠萍楊花飛過杏花汀流鶯似惜春光盡啼徧郵傳長短亭
四月黃梅細雨催茶蘼開過棗花開柳條不屬春拘管勾引烏衣燕子來
五月田家打麥勞綠楊多處亂鳴蜩小船賣酒游人醉一串活魚貫柳條
六月濃陰繫畫船荷花香到水亭前輕雷又送東南雨搖動青青一樹煙
七月雙星會有期盈盈一水隔相思何如滿樹垂楊線不管紛紛亂亂絲
八月涼生桂殿秋冰盤高挂柳梢頭雲階月地知何夕遮斷神仙白玉樓
九月淒淒霜氣渾亂飛黃葉又黃昏臨歧莫唱折楊柳風雨重陽最斷魂
十月漫天雪作花柔條葉淨剩枯杈平橋野渡無人處栖定衝寒數點鴉

十一月中樹盡枯一陽復後又扶蘇青蛾不減年時色裝點溪山入畫圖
十二月來生意含無邊花木待春三新年有象桃符換天地多情柳色酣
鈍宣曰此十二首太清有朱筆自題其上曰此移入東海漁歌集

落花

一片朝霞落碧城珠簾十二綠陰清雲生西嶺三更雨花散東風萬里晴
芳樹後庭歌旖旎玉關羌笛怨分明可憐陌上飛如雪半逐春波送客程
游南谷天台寺二首

三月三日天台寺日午靈風入法堂一段殘碑哀社稷滿山春草牧牛羊
庭前柏子參真諦洞口桃花發妙香笑指他年從葬處白雲堆裏是吾鄉

寺爲明慈惠李太后所建
夫子擬葬夫人於此谷中

大南峪裏天台寺樓閣參差雲霧重野鳥山蜂皆法象蒼松古柏宛游龍

大圓寶鏡舒千手

寺有大圓鏡鑄千眼觀音像

尺五青天壓亂峯立馬東岡新雨後西

南高插紫芙蓉

鈍宦曰南谷在永定河之西大房山之東後爲太清葬處余詩所謂南谷春深葬夜來也 又曰太素詞名南谷樵唱蓋與東海漁歌配

題畫

四更殘月上古道有人行霜滿天涯路紅樓夢未醒

題黃慎山水冊次原題詩韻

權歌唱徧沙頭灣老樹高枝不易攀行到中流心自在青螺幾點瀨西山茂林深處野人廬煙水生涯婦子漁西塞山邊風雨至綠蓑青箬護丹書

長藤不繫往來船風雨篷窗最可憐江水有涯潮有信兒孫生長不知年
海燕不作一處栖鸞鶴高飛鳬鷺低有情無情各異趣日頭東方雨腳西
山容不改古今時江柳江花亦不知醉臥扁舟隨所適蒹葭深處唱新詩
蒼波日夜鎖長流江上何人築小樓烏帽閒眠對江水飽看紅葉萬山秋
利欲驅人似馬馳不如歸去學癡兒山中共享餘年樂坐對寒梅賦好詩
山下沈沈百尺潭山頭細細月初三到處雲山好風景賞心何必定江南
筠簾挑入亂峯羣雨後新茶採霧雲富貴半緣兒女累消閒清況總輸君
又是東風解凍天雪消人買下江船疲驢破帽誰家叟行過春山多少年

天游閣集

詩二

太清西林春著

題無名氏畫松

扇頭畫似巖頭樹滿紙蒼煙撥不開疑是開元畢御史攀雲截取一枝來

王翬畫赤壁賦

秋江如練暮山低縱櫂虛舟好客携柔櫓聲中清露下洞簫吹過月輪西

蔣季錫畫燕子桃花

蔣家詩畫多絕倫燕子如生花有神燕子已迷王謝宅桃花不盡武陵春

題無名氏畫鯉魚

黑雲天矯結層陰潮長秋江九派深一夜芙蓉花盡放鯉魚風起水仙吟

錢元昌升恒圖

霓裳仙子御靈風
明月如珠映碧空
天籟無聲歸浩蕩
大鈞一氣轉鴻濛
羽分翠扇朝金母
花散筠簪戲玉童
曲宴瑤池添鶴算
蓬萊日出海雲紅

題畫山水二首

板橋一道往來還
松下茅齋不閉關
雨後壯添千尺瀑
雲開忽現兩重山
穿廊流水聽無厭
堆案好書相對閒
隱几先生如喪偶
幾曾步履到人間
百道飛泉落屋頭
草堂四面敞新秋
此間甲子忘今古
世上奔馳笑馬牛
澗水亂流江水浩
近山缺處遠山浮
茶鐺藥裹常隨喜
大好江山得勝游

哭石榴婢

六月七日

哀哉石榴婢相隨僅七年
十三初識面問答兩投緣
慧性深知我癡心望

學仙略能探妙微亦解誦詩篇

石榴雲愛誦予遊仙登山諸作

纔見優曇現旋罹惡疾纏

游魂返寥廓湛露散風煙切切憐新鬼茫茫葬薄田賜衣同挂劍

以予常服衣服

之殮送汝鎮長眠

鈍宦曰太清有鵲橋仙詞爲夢石榴婢作余詩所謂石榴可惜早生天

也又曰太素亦有悼石榴婢詞三首附錄於此詞云石榴婢今永歸

流輩雙鬢似汝稀聰明不負曾聞道臨沒從容索賜衣

伊臨終索太清所賜舊衣服之

歿而又石榴婢無美顏烹茶研墨侍東山新詩喜誦夫人句

伊爲太清侍婢故稱側室

爲夫

白骨幽墳喚不還又石榴婢花優曇七年銀燭侍清談七年已抱

五年病舍利昇床聽小參

伊沒前一夕欲昇入府中其母兄不聽之桂殿秋

題倪雲林清閨閣圖

高士幽居處青山四面迎涼生清閣閣秋滿闔廬城雲影森喬木香幢對
淨名巖巖自孤立百世表忠貞

題蔣槐歲寒三友圖

蒼皮壓雪龍鱗古細篠臨風鳳尾斜應是玉堂人寂寞巡檐呵手寫梅花
題王端淑碧桃翠禽

風前玉蕊濛濛寫天際浮雲澹澹遮小鳥枝頭相睡穩月明初上碧桃花
題無名氏畫雁

雁聲纔過楚江頭江上蒹葭生暮愁帝子祠前秋水闊冷雲挾雨暗巴邱
題陳南樓老人畫扇

藐姑射仙冰雪姿延年長進紫靈芝飛來何處雙青鳥幽竹叢中占一枝

題馬眉秋荷水鳥

一枝蘆葦壓秋波
野鳥飛來意若何
借問西風今早晚
滿池荷葉已無多

題朱德潤山水

作畫朱德潤
題詞岳蒙泉
長林橫暮靄
野水起寒煙
老樹無多葉
孤城接遠天
斯圖五百載
神韻自完全

白雲觀乞齋

白雲觀裏放齋期
十擔黃芽一釜炊
乞得一盆真上品
菜根風味古人知

自題道裝像

雙峰丫髻道家裝
廻首雲山去路長
莫道神仙顏可駐
麻姑兩鬢已成霜

鈍宦曰像爲道士黃雲谷畫太素有題詞詞云全真裝束古衣冠結雙

餐金耳環耐可凌虛歸去洞中天游徧洞天三十六九萬里間風寒

榮華兒女眼前歡暫相寬無百年不及芒鞋踏破萬山巔野鶴閒雲無

挂礙生與死不相干

臨江仙

又曰余詩所謂偷翦黃緇便學仙也

食鹿尾

海上仙山鹿食苹也隨方貢入 神京晚餐共飽一條尾卽有鄉心逐物

生

臘月二十二日哭九兒載同

同兒未週歲一旦捨我死誰謂久能忘老淚無時已

鈍宣曰載同以痘殤余詩所謂一夜瑤臺起朔風凋殘金鎖淚珠紅秦
生晚遇潘生死腸斷天家鄭小同也 又曰載同死以周東村傳經圖

爲殮太素有八絕句哭之詩云三尺桐棺萬古廬天倫一載偶相於傳

經圖好判爲殉哭子詩成不及書

圖置棺中歛於本日申刻時成於後二日故不及書於圖

九月種

痘悔誤聽臘月死發徧身青秦公晚識老潘沒過信庸醫讀父經

先是自三

兒載欽痘癰後兒女皆情老潘種花今春潘翁沒其第四子於九月間強與種痘不出妄云此子無痘至臘月初間病伊又用竈底抽薪法與

剋削和解藥蓋恐見苗也至月半病亟始更服羅斯秦醫名婆爾斐里者治之以截風油浴之以芳草故又遷延七日乃死天下原

無治死方霎時肌肉冷于霜願將八苦因緣本迴向如來大法玉恩怨

稠林生死關半由人力半由天同兒生與同兒死甲午詩中首尾編前

朝老輩行看盡

今歲喪一大學士六尙書

中歲繁憂訝許多十二年間兩喪子

歛兒殮於

壬午臘月十七

人間空有淚如波正月五日同兒生臘月廿二卽長行出胎三

百冊餘日癡心日日望兒成文章願同汝母好頭角不類諸兄癡今年

冬令大不利祭友文仍哭子詩

王伯申先生歿於十一月二十四有祭文一篇見文集

隔世容顏

惟有夢傳家學業復何言買山新得大南谷卜葬無妨改舊村

載欽隨予廩弟

奕穎葬於東壩

乙未元旦

聲聲爆竹散林鴉煙火春城千萬家碧瓦纔臨新日色宮燈未翦去年花
死生轉覺人情切進退須防道路差節物驚心同逝水等閒誰敢負韶華

鈍宣曰太清是年三十七歲

又曰太素以是年罷職太素以乙酉秋

授散秩大臣

時榮格郡王薨已十年

丙戌管理宗學庚寅秋管理

御書處及

武英殿脩書處是年冬授正白旂漢軍都統至是罷又三年逝其歷仕

之可考者如此

填倉二首

京師是日雖閭閻小巷亦多肉食鄉間尤重更開內外倉花戶賽神會尤盛

白酒初開臘甕香 皇都景物重填倉
豐年餅大兒童喜 春社雞肥父老嘗
富貴更須知稼穡 古今原不異風光
待看好雨催耕早 挑菜城南新草長

傳聞此日賽倉神 花戶家家鬪豔春
濁富已忘充下役 癡肥那計耗官因
踏青狼藉河邊草 拾翠飄零陌上塵
風俗總因驕懶慣 閭中更有忌緘人
二月四日東館見蝶

東館春融二月天 娟娟蝶翅已輕翻
此時庾嶺花深處 破繭風來第幾番
二十二日由白雲觀過天甯寺

寺僧善養唐花

遂過天甯寺 花香染客裾
蘇碑迷故事 風障護春蔬
野草濃於繡 遙山淡

若虛方今正望雨宿麥及時鋤

二十三日雪大作次前韻

一夜東風緊飛璫曳素裾冰花沾繡箔香土潤園蔬火氣融金鼎寒光動玉虛芳郊應更好隨處老農鋤

二十四日雪晴再次前韻

迴風吹積雪細細點襟裾曉日明簷溜荆籃賣野蔬十分春可望一飽樂非虛布穀尤多事殷勤勸早鋤

春日憶南谷

去年三月遊南谷滿洲天桃散綺霞今日山中春幾許料應開到野棠花微陰小閣凝青靄細溜仙源漱白沙擬欲藏書南北洞洞庭禹穴不須誇

夫子曾有詩云擬將平生著歲
此爲副墨卽指南谷南洞言也

送二女孟文郡君往察罕爾避暑

人生到處行其素
天上天寒善養身
南嚮征鴻脫有便
早將歸信慰嚴親

鈍宣曰孟文適超勇親王車登巴咱爾

法源寺看海棠遇阮許雲姜許石珊枝錢李紉蘭卽次壁刻錢百福老人
詩韻二首贈之

鐫石文章在風流
天下傳卽看詩句
好想見老人顚
遶座飛花雨成陰
蕩碧煙禪房春晝靜
香接逆風前

春老花盈樹
丰神借客傳
綠陰隨日轉
紅片任風顚
邂逅江南秀
檀欒法界煙
題詩寄同好
問訊綺窗前

鈍宦日阮許雲姜者芸臺相國家人許石珊枝者滇生尙書家人錢李
一
縱蘭者衍石給諫家人知者太清有正月初七送雲姜歸揚州七月初
二
五送珊枝歸武林語見送縱蘭往大梁金縷曲詞注蓋給諫晚年主講
大梁書院也

向雲姜乞薑梅戲成一律

江南四月梅初熟細雨薰風恰好時上品定然依古法佳名眞可入新詩
糝將老桂黃金粟萼以鮮薑碧玉枝爲問甕中餘幾許數枚乞我醒詩脾
暮春雨中卽事

絲絲細細竟朝昏雨裏花枝無力翻向晚東風寒氣作對牀燈火早關門
覺前韻題畫海棠扇答雲姜三首

日暮來青鳥驚人麗句傳乾坤春氣足風雨此花顛梵宇逢仙侶香雲發
妙煙容顏如可翬紈素寄君前

歡喜堂邊樹花光幾代傳破禪休作惱得意尙能顛疎點愁飛雨豐枝欲
化煙日斜風亦起相賞片時前

片時須愛惜高興足流傳白髮知誰健黃金不買顛丹青摘枝葉瑤玖抵
雲煙何幸城南寺相逢十日前

復用前韻題聽松樓遺稿

錢子萬秀才嫡母

能文復見錢陳氏族姓宜其百世昌山色湖光浩無主繡餘收拾入詩囊
大家羞作女郎詩經術庸言不衍奇老手南樓真有後百年古畫與重披
上下百年風雅稀近從嘉慶溯康熙名媛誰似錢家盛好古吾生憾畧遲

大雅元音千載同琳瑯重見古人風寒濤萬壑今猶昔化鶴歸來天地中
鈍宣曰聽松樓遺稿是衍石給諫妻陳爾士作見給諫所撰妻陳恭人
述畧紉蘭卽子萬妻也子萬名寶惠

四月二十二日雲姜招同珊枝素安紉蘭過崇效寺看牡丹遇陸琇卿汪
佩之是日雲姜以摺扇囑寫歸來畫折枝梅並題

此行不爲牡丹來況值顛風日日催花裏有緣逢國色院邊隨意坐蒼苔
玉山小篆題長句古木新芽發老槐感我雲姜何以報墨梅投我報紅梅
雲姜贈墨梅圖扇有詞見東海漁歌集是日紉蘭贈有自書小篆題贈玉山女子

鈍宣曰素安陳氏太清有爲陳素安姊畫梅小幅一詞陸琇卿名韻梅

吳潘星齋侍郎曾妻汪佩之名紉蘭潘紉庭光祿曾妻陸汪並能

詩見惲珠 國朝閨秀正始集

春日游法源寺前後和錢侍郎詩五首乃雲姜遂和詩至六首綴蘭和詩
至七首並又篆書七言長歌送來余不獲已復次前韻三章答之

娓娓佳章至煌煌秦篆傳服君在毫末進步向竿頭詞瀉桃花浪才翻玉
樹煙何期閨閣輩傑出欲空前

熟讀古文字名姝秀水傳書成吳氏韻才法米家顛金薤垂仙露玉堂森
寶煙清風灑幽谷蕭艾別當前

今人多鹵莽無實望名傳偶爾傳流俗轟然遂倒顛吾儕視若贅坊刻滅
如煙二子真知我相期雅頌前

重題曇影夢痕圖

幻影浮泡無處尋風花彈指去來今人間甲子牢牢記海上波濤浩浩深
入譜卽非虛玉鏡

孫靜蘭許字雲姜之長子阮恩光未嫁而夭聞已載入阮氏家譜

除災悔不下金鍼傷

心一片桃花影依舊春風到武林

鈍宦曰太清曾填乳燕飛詞題是圖故曰重題也 又曰孫靜蘭爲雲

姜女甥又許字雲姜之子恩光恩光爲芸臺相國第五子

嗣之子雲姜

蓋許周生駕部之女芸臺相國之子婦 又曰雲姜名延錦見相國爲

駕部所撰家傳 又曰梁楚生燕人

樵繹

古春軒詩集有哭外孫女靜

蘭詩又有答太清福晉惠詩七律一首 又曰太清爲許演生尙書母

夫人之義女仁和許氏與德清許氏聯譜故太清與兩許皆往還

魚竿

大魚不上鉤小魚不中食寄語釣魚人莫費閒心力

和雲姜韻 雲姜來詩索錢野堂山水余以壁間四幅盡解贈之先以畫

倩題不意今爲魚聽軒有也

莫漫相思畫裏人畫中人與畫中親青山四幅乘風去畫不通神詩有神

原唱一夕睽遠畫裏人相思何日得相親怪來宜有堂中物望爾通神竟不神

次日雲姜書來告我四幅雲山盡爲紉蘭移去奈何云云余復以野雲紫

薇水月一軸相贈遂倒押前韻成詩五首

詞源浩浩一何神天與遭逢我輩親今歲端陽不辜負清池明月紫薇人

錢家書畫總如神那及蘭仙日日親

叔蘭與雲姜鄰居故戲比之

移去一枝天上種紫

薇花對玉堂人

玉堂人是玉精神消遣芸窗筆墨親皓月遲遲相照處滿池花影伴幽人
天孫終日伴花神天神謂雲英花神謂蘭花與雲山一例親
我虛堂惟面壁紫薇
莫更贈他人

負去五山力果神

前曾以野堂山水一幅贈叔蘭故云

書來告我見交親篋中尚有錢家畫

留贈喬年富貴人

家中尙餘野堂喬松牡丹二軸擬待雲英四句爲壽

題南谷清風閣次夫子韻

纔喜甘霖又喜晴黑雲翻墨霎時成晚風吹雨東南去雌霓如環見化城
電光一掣卽聞雷千丈銀濤挾雨來疊疊羣山生潤氣鱗鱗高屋長新苔
迺因高嶺起高樓東北遙山入望收聞夫子言雨後閣上可望數百里後二十年家事少
相隨此地共遨遊

四面窗來四面涼紅梨一樹正朝陽白雲深處清風閣總使忙人亦不忙
海日初臨大樹尖京西勝境此新添倩誰妙筆圖南谷高閣分明細草纖
題手蓉甥女白蓮花團扇

手蓉爲雲臺
相國女孫

靈苗生長相公家疊雪裁冰印曉霞翠扇臨風香過處一枝清淨女兒花
鈍宣曰相國有女孫恩澤能詩著有慈暉閣詩鈔爲劉氏所自出手蓉
當是雲姜女故太清稱以甥也

既選宋詞三卷遂以詞中七言句集爲三十八絕句

韶華不爲少年留

秦觀

捲地風前更掉頭

陳師道

人在瓊雲方響樂

吳文英

功名

一笑付糟邱

黃昇

樓上晴天碧四垂

李清照

一波纔動萬波隨

黃庭堅

道人妙手親拈取

呂澣老

漫

有才情付與誰

黃庭堅

素絃一一起秋風

吳文英

銀字笙簧小小童

毛滂

我是行人君是客

石孝友

雲煙

過眼總成空

黃昇

老來易失少年歡

黃庭堅

付與旁人冷眼看

黃庭堅

一棹碧濤春水路

晏幾道

滿

湖山色入闌干

吳文英

春與猿吟秋鶴飛

辛棄疾

向來人物幾興衰

張元幹

浮雲富貴何須羨

石孝友

結

習空時不點衣

吳文英

醉扶怪石看飛泉

辛棄疾

人事如潮多往還

黃機

一曲游仙聞玉磬

吳文英

樓臺

春鎖碧雲灣

吳文英

聽我尊前醉後歌

辛棄疾

黃花壓帽醉嵯峨

周紫芝

人間風月如塵土

周邦彥

尊

酒年年樂事多

周紫芝

階前春草亂抽芽

趙長柳

更比秋花冷淡些

吳文英

憶我當年醉時句

黃庭堅

半

壺秋水薦黃花

吳文英

喚君同賞小窗明

陸游

初聽黃鸝第一聲

葉夢得

邂逅故人同一笑

蔡伸

秋風江

口酒初醒

石孝友

棗花金釧約柔荑

秦觀

準擬階前摘荔枝

黃庭堅

滿地綠陰人不到

葉夢得

小蟾

斜影轉東籬

吳文英

關南桃樹幾番紅

史達祖

楊柳初搖短短風

張孝祥

側帽胭脂坡下過

陸游

一尊

何處與誰同

石孝友

月細風尖猶未歸

程垓

乍涼秋氣滿屏幃

周紫芝

月華深院人初定

吳文英

細雨

三更花又飛

吳文英

眼波時帶睡朦朧

周紫芝

日日青樓醉夢中

張孝友

任是行人無定處

秦觀

依然

流水小橋東

黃昇

青青楊柳水邊橋

石孝友

搖斷吟鞭碧玉梢

辛棄疾

羽調六么彈徧了

吳文英

銀

燈一曲太嬌嬈

晏幾道

半裊煙雨舊衣冠

周紫芝

黃菊枝頭生曉寒

黃庭堅

霧閣雲窗歸去也

吳文英

一

聲玉磬下仙壇

吳文英

東湖春水碧連天

辛棄疾

水上鳴榔不繫船

周紫芝

忙日苦多閒日少

陸游

一場

春夢杳難圓

衛芳華

東風吹落一庭花

康與之

冷豔疎疎瘦影斜

石孝友

十二闌干慵徧倚

張元幹

莫

教鷓鴣送韶華

晁補之

畧爲清歌住白雲

黃庭堅

安知老柏與靈椿

劉克莊

但將痛飲酬風月

辛棄疾

箇

箇教成百歲人

黃庭堅

淡煙流水畫屏幽

秦觀

家在東湖湖上頭

石孝友

簾外殘紅春已透

李玉

小樓終

日望歸舟

張元幹

整頓征衫欲跨鞍

洪適

舊游重到忍重看

蔡伸

醉鄉路上多芳草

黃庭堅

李下何

妨一整冠

黃庭堅

待到黃昏月上時

程垓

今年歇盡去年枝

黃庭堅

巖花滴露花頭小

周紫芝

未必

秋香一夜衰

黃庭堅

寶簾閒挂小銀鉤

秦觀

人在溪邊正倚樓

蔡伸

寒食清明都過卻

張元幹

落花流

水一春休

趙長卿

釵燕欒雲睡起時

吳文英

東風彈淚有誰知

馮延巳

簫聲淡月梨花院

周密傳語

西風且慢吹

黃庭堅

畫餅功名莫浪求

石孝友

落花飛絮兩悠悠

沈端節

俗人不用嗔貧道

黃庭堅

萬

頃雲濤一葉舟

蔡伸

多情山鳥不須啼

辛棄疾

上有青楓下有溪

辛棄疾

水本無情山又遠

張元幹

勸

君莫上最高梯

李清照

王孫眉宇鳳凰鵲

晁補之

萍水相逢無定居

石孝友

借問行人家住處

辛棄疾

溪

南脩竹有茅廬

辛棄疾

樽前誰爲唱陽關

王沂

占斷長江相對閒

黃機

綠徧芳洲生杜若

張元幹

春愁離

恨重於山

石孝友

歸來魂夢帶幽香

呂濱老

幾樹鳴蟬餞夕陽

張炎

渡水穿雲心已許

黃庭堅

旁人

拍手笑疎狂

劉克莊

今年寒食又花開

沈端節

幸有江邊舊釣臺

劉克莊

北斗秋橫雲鬢影

吳文英

不

知何處御風來

張孝祥

蘭皋空漲綠溶溶

黃昇

人在珠簾第幾重

張孝祥

見說蘇堤晴未穩

張炎

詩情頻

在雨聲中

史達祖

醉花春夢半香殘

吳文英

燭影搖紅夜向闌

王鈇

風拍小簾燈暈舞

吳文英

忍教

三疊唱陽關

洪适

酣酣日腳紫煙浮

范成大

青鎖窗深菊未收

程垓

留取光陰重一笑

周紫芝

東君

都不管閒愁

沈端節

三分春色二分愁

葉清臣

漠漠清寒上小樓

秦觀

燕尾寶刀窗下夢

史達祖

如何

容易買歸舟

黃機

楊花芳草徧天涯

史達祖

晝日無風也帶斜

蔣捷

寄語紅橋橋下水

陸游

別時相

見有荷花

蔡伸

春花秋葉幾飄零

石孝友

不見居人只見城

蘇軾

一望鄉關何處是

關名

剩雲殘

日弄陰晴

辛棄疾

愁雲恨雨兩縈牽

柳永

聚散忽忽不偶然

辛棄疾

梅徑已經香雪凍

石孝友

素娥

青女鬪嬋娟

周邦彥

碧雲天共楚宮腰

晏幾道

花不知名分外嬌

辛棄疾

鎧火錢塘三五夜

蘇軾

當時

深衣緩帶古儀型左倚祥雲擁巨靈絕壁擘窠書大字分明南極老人星

點蒼山
畫仙像

夕陽西下亂飛鴉嶺上寒雲一片遮況是黃昏風亦起深林棲穩老枯杈

寒鴉
圖

濛濛細雨滋紅杏嬾嬾晴絲罨綠楊好是初三新月上一痕清影代斜陽

初月殘陽交換影綠楊紅
杏共扶春苔蘚先生句也

渺渺秋江煙水寬冥冥小艇泊江干風恬浪靜清無限遠是斜陽近是山

秋江
漁隱

春水迷天淡欲無春山過雨綠模糊東風一夜吹花嶼卽有新芽長嫩蒲

春湖花嶼卽秋
江漁隱之背也

六出瓊華碎玉旋凍雲低壓好峯巒老梅澗底吹橫簫鐵腳仙人踏亂山

雪人峯
雪仙像

天開萬朶錦芙蓉半嶺殘陽日腳紅遠近峯頭蒸紫氣碧雞金馬插高空

先生望金馬峯句曰夕陽無此好峯豈望碧雞
山句曰況當落日餘霞候正是塗金刷翠時

泠泠玉露泣花光縹緲高寒月殿涼今夜嫦娥開碧戶黃金瓊絡散天香

嶺桂
花

昨夜溪橋乍見霜山深霧冷近重陽開窗飽看前村樹一帶長林落葉黃

傲元傲之
樹木研屏

山中怪石無心長天上浮雲任性飛石長雲飛天不管自然原不與天違

白雲抱
幽石

清風小漾碧漣漪玉旆珊珊綠池天上片雲催好句萬竿煙雨冠當時

綠羅娟清謎卽
白雲幽石背面

天開畫本要人看金粟生香玉露殘嶺上長風吹不盡須知高處也禁寒

桂生
高嶺

西風黃葉變青桑十里秋林隕曉霜天氣漸寒絲已盡特將詩意惱吳孃

秋桑圖先生有秋桑
四首見文選樓詩存

雲淨天清霽色開剡溪雪浪似銀堆貂裘老子推窗看知是山陰道上來

剡溪
雪浪

千年靈氣爲誰開特費開雲種玉才更向雲端翹首望仙人並跨鳳凰來

雙仙畫石圖次
先生自題韻

輝輝曉日射仙都雨洗煙霏樹影蘇偶倚寺門看對面凌空十丈綠浮圖

綠浮
屠圖

好景最宜春雪後淺紅深碧總堪誇玉盤高湧團圓月銀海光搖富貴花

白牡
丹圖

衝寒行過亂山中馬首西來背曉風殘月未沈將曙色雲臺峯頂日光紅

雲臺
清曉

雲霞海上秋成早禾黍原頭反照明日暮漁樵人不見遙山一抹紫煙橫

紫煙

江上青山無數重松梢半是白雲封雲中應有仙人過指點蒼蒼十九峯

十九
綠

東風又聽鳥間關斜日遲遲水一灣晴雪渡頭吹柳絮夕陽花外淡春山

夕陽
花塢

長天一掣電光紅霹靂焦雷過嶺東日腳昏昏知雨重四山雲起滿樓風

暑山
燕雨

華嶽峯頭瞰日輪白雲深護碧霞君桑田滄海隨時變一笑人間竟不聞

嶽頂
俯雲

秋日看山秋雪晴雪晴天外片雲輕懸崖留與仙人坐白玉樓臺隱碧城

點蒼
秋雪

匡廬峯頂挂飛泉千古風流李謫仙讀盡好書聽盡瀑水雲聲裏寄閒眠

翠峯
霞影

桃花開到十分色春水纔生四尺波春水桃花留不住夕陽紅處已無多

夕陽
花塢

鷗波小幅遠山低落日沈沈山影齊淡染斜陽濃染樹斜陽又在遠山西

夕山
沈綠

水淨巖陰留客處風輕浪細放船時翠微移過西風影千仞蒼煙罨漢陂

峯陰
凝紫

江北江南春向融梅花不減古時紅絲絲楊柳初生葉平戰春波颺好風

江梅
春波

碧障溶溶草木春時晴漠漠曉煙昏長江萬里添新水一路春蕪綠到門

煙江
疊嶂

曉窗開對碧蕉斃爽氣凌晨溼翠翹應是昨宵新雨過一痕眉綠爲誰描

窗納
遙青

翳翳長松小小童巖花澗草不知多仙人采藥無尋處似隔寒雲有路通

雲深
采藥

鈍宣曰三十二首皆爲芸臺相國作

除夕翦唐花及松枝插瓶戲成一截句

半生苦樂忙中過萬里春風大轉關笑翦唐花相對語一年詩債又償還

天游閣集卷第二畢

溫語樓校字